

EBAZPENA, Herri Arduralaritzaren Euskal Erakundeko zuzendariarena, zeinaren bidez epea irekitzen baita merezimenduak alegatzeko, Euskal Autonomia Erkidegoko Administrazio Orokorreko eta haren organismo autonomoetako erizaintzako, administrarien eta administrari laguntzaileen eskaletan eta laguntzako langileen talde profesionalean karrerako funtzionario izateko enplegua finkatzeko salbuespenezko hautaketa-prozesuetan. Gobernantza Publiko eta Autogobernuko sailburuaren 2022ko maiatzaren 18ko Aginduaren bidez egin zen hautaketa-prozesu horietarako deialdia.

Gobernantza Publiko eta Autogobernuko sailburuaren 2022ko maiatzaren 18ko Aginduaren bidez, enplegua finkatzeko salbuespenezko hautaketa-prozesuetarako deialdia egin zen, Euskal Autonomia Erkidegoko Administrazio Orokorreko eta haren organismo autonomoetako erizaintzako, administrarien eta administrari laguntzaileen eskaletan eta laguntzako langileen talde profesionalean karrerako funtzionario izateko.

Prozesu horietako oinarri orokorretan ezarrita dago baloratuko diren merezimenduak eta balorazio baremoa prozesu bakoitzeko oinarri espezifikoetan arautuko direla; eta bai parte hartzeko betekizunak, bai baloratzeko merezimenduak bete beharko direla eskabideak aurkezteko epea bukatzen den egunean, beti ere, kasu jakin batzuetan oinarri espezifikoetan adierazita dagoena salbu.

IVAPeko zuzendaritzaren Ebazpen baten bidez, ezarri zen erizaintzako, administrarien eta administrari laguntzaileen eskaletan, eta baita laguntzako langileen talde profesionalean ere, **enplegua finkatzeko salbuespenezko hautaketa-prozesuetako merezimenduak alegatzeko epea** hasiko dela 2022ko urriaren 17an eta bukatuko dela 2022ko urriaren 28n.

Dena den, prozesuen oinarri espezifikoek ezarri zuten euskararen ezagutza 2022ko abuztuaren 1a baino lehenago egiaztatu beharko zela.

Hori dela eta, **EBATZI DUT:**

Lehenena.- Erizaintzako, administrarien eta administrari laguntzaileen eskaletan eta laguntzako langileen talde profesionalean enplegua finkatzeko salbuespenezko hautaketa-prozesuetako merezimenduak alegatzeko epea 2022ko urriaren 17an hasiko dela eta 2022ko urriaren 28an bukatuko dela ezartzea.

Bigarrenena.- Hautaketa-prozesu horien oinarriari jarraituz, epe horretan, hautaketa-prozesu horietan parte hartzen dutenek, hala badagokie, betekizunei eta merezimenduei buruzko **agiri hauek aurkeztu beharko dituzte:**

BETEKIZUNAK ETA MEREZIMENDUAK	ESKATZEN DIREN AGIRIAK
Atzerrian lortutako titulua eta homologazioaren egiaztagiria, bai prozesuan parte hartzeko betekizun legez alegatu bada, bai merezimendu gisa alegatu bada.	Tituluaren eta homologazioa egiaztagiriaren kopia arruntak.
Hizkuntza-eskola ofizialek emandakoak ez diren Hizkuntzetako titulu eta ziurtagiriak	Tituluaren edo ziurtagiriaren kopia arrunta.
Euskal Autonomia Erkidegoko Administrazio Orokorretik eta haren organismo autonomoetatik kanpo administrazio publikoetan emandako zerbitzuak .	Emandako zerbitzuen egiaztagiriaren kopia arrunta.

Hirugarrenena.- Era berean, hautaketa-prozesu horien oinarriari jarraituz, epe horretan, hautaketa-prozesuetan parte hartzen dutenek, jarraian aipatzen diren **lanpostuen betekizun espezifikoak betetzen dituztela alegatu beharko dute**, baldin eta betekizun espezifiko horiek atxikituta dauzkaten lanpostuak eskatu nahi badituzte:

	Laguntzako langileen	Administrari laguntzaileak	Administrariak	Erizaintza
Laneko erizaintzako espezialitatea.				X
B gidabaimena	X	X	X	
Ziurtagiri negatiboa, Haurrak eta Nerabeak Indarkeriatik Begiratzeko Babes Integralaren ekainaren 4ko 8/2021 Lege Organikoaren 57.1 artikulua arabera.	X	X	X	X
Frantsesa, B1 mailako egiaztagiria		X	X	
Ingelesa, B1 mailako egiaztagiria			X	

Laugarrenena.- Bigarren eta hirugarren artikuluetan ezarritakoa gorabehera, **merezimenduak alegatzeko epearen hasieran, hautaketa-prozesuaren web gunean jasota egongo dira**, izangai bakoitzeko, **administrazio honek erakunde egokietatik jaso dituen eta, beraz, egiaztatutzat jotzen diren merezimenduak.**

Era berean, **merezimenduak alegatzeko epearen hasieran, hautaketa-prozesuaren web gunean jasota egongo dira**, izangai bakoitzeko, **administrazio honek erakunde egokietatik jaso dituen**

hautaketa-prozesuan parte hartzeko betekizunak eta zenbait lanpostuk dauzkaten betekizun espezifikoak. Horiek, egiaztatutzat emango dira.

Izangaiek dagokion gelatxoa markatu beharko dute adierazteko, hautaketa-prozesurako egiaztatutzat eman diren merezimenduen eta betekizunen artean, zeintzuk alegatzen dituzten parte hartzen duten prozesu bakoitzean.

Bostgarrena.- Merezimenduak alegatzeko epean alegatu eta egiaztatu behar den eta, merezimenduak alegatzeko epearen hasieran, hautaketa-prozesuaren web gunean jasota ez dagoen edozein betekizun edo merezimendu, administrazio honek jaso eta egiaztatu bezala, izangaiek alegatu eta egiaztatu beharko du, dagokion dokumentazioa aurkeztuta.

Seigarrena.- Hautaketa-prozesu hauen oinarri orokorren 8.3 atalak adierazten duenez, inolako ziurtagiri digitala edukita eskabidea egin zuten izangaiek lortu zuten **aldi baterako erabiltzailea eskabidea kontsultatzeko baino ezin izango da erabili**, eta gainerako izapideetarako beharrezkoa izango da identifikazio elektronikorako onartutako bitartekoetako bat izatea.

Hori dela eta, **identifikazio elektronikorako bitartekorik ez duten pertsona guztiei** gogorarazten zaie **BakQ txartela** emateko gaitutako zentroetara jo dezaketela baldin eta hautaketa-prozesuan parte hartzeko eskabidean aurkeztean eman zitzaien **aldi baterako erabiltzailea baino ez badute**. Izan ere, **aldi baterako erabiltzaile hori erabilia, identifikazio elektronikorako bitarteko bat lortu ahal izango dute** prozesuaren jarraipena egiteko atal guztietan, merezimenduak alegatzeko eta egiaztatzeke barne. Horrela ez bada egiten, merezimenduak alegatu eta egiaztatu beharko dira modu presentzialean; eta, IVAPeko laguntza tekniko behar bada, aldeztu aurretik zita eskatuta.

Zazpigarrena.- Hautaketa-prozesuaren web gunearen “Hautaketa prozesuen informazio orokorra”ren barruan, **“MEREZIMENDUAK NOLA ALEGATU ETA EGIAZTATU”** atala eskaintzea. Atal horretan, irudien bidez eta zehaztasun osoz, prozesuaren web gunean alegatzeko eta egiaztatzeke prozesua azaltzen da.

Zortzigarrena.- 2023ko urtarrilaren 10ean iragarriko da, hautaketa-prozesuaren web gunean, **noiz argitaratuko diren behin-behineko kalifikazioen zerrendak**.

Ebazpen honen aurka gora jotzeko errekurtsua jarri ahal izango da Herri Arduralaritzaren Euskal Erakundeko zuzendariaren ebazpen honen aurka, ez baitu agortzen administrazio-bidea; beti ere, Administrazio Publikoen Administrazio Prozedura Erkidearen urriaren 1eko 39/2015 Legearen 121. artikulua eta hurrengo arabera. Errekurtsua jartzeko epea hilabetekoa izango da, ebazpen hau argitaratu eta biharamunetik kontatzen hasita. Errekurtsua, bestalde, ebazpen hau eman duen

organoari jar dakioke, edo Gobernantza Publiko eta Autogobernuko sailburuari. Gora jotzeko errekurtsoa aurkezten denetik hiru hilabete pasatzen badira ebazpen espresurik eman gabe, ezetsitzat hartu ahal izango da, eta administrazioarekiko auzien bidera jo ahal izango da.

Maite Barruetaña Zenekorta
IVAPeko zuzendaria

VITORIA-GASTEIZ, sinadura elektronikoaren datan